



Sumiiffinni nunami aalajangersimasuni nunaminertanik atuinissamut akuersissuteqarluni takornariartitsisarneq Inatsisartut inatsisaannik nr. 19, 3. december 2012-meersumik tunngaveqartoq pillugu apeqquteqaat aallaavigalugu Inatsisartut oqallinnissaannik siunnersuut.

(Inatsisartunut ilaasortaq Vivian Motzfeldt Siumut)

Demokraatini takornariartitsisarneq pillugu inatsit maanna atuuttoq iluarilluarparput.

Siunnersuuteqartup siunnersuumminut tunngavilersuummini oqaatigaa nunatsinni sumiiffinni arlalinni suliffeqarfiit nunani allamiunit pigineqartut takornariartitsivinnik kisermaassillutik atuilersimasut taamalu ittoqarnera annertusiartortoq.

Kisianni tamanna eqqunngilaq.

Naalakkersuisut oqaatigaat eqalunniarnermut atatillugu takornariartitsinermut akuersissummik ataasiinnarmik kisermaassivissamik tunniussisoqarsimasoq, taannalu tunniunneqartoq kujataani savaatilimmut tunniunneqarnikuusoq.

Demokraatini isumaqarpugut nunami maani takornariaqarnerup ineriartortinnissaanut periarfissaqarluartugut pisariaqarporli takornariartitsisartut pisariaqartitaannik piviusunngortitsillaqqissinissarput.

Demokraatini isumaqarpugut nunaqavissut ullumikkut periarfissaqareersut takornariartitsinermik inuussutissarsiuteqarnissaminnut taamaattumik pissutissaqanngilagut siunnersuuteqartup siunnersuutaasut Inatsisartut oqaaseqaateqarnissaannut siunnersuutaa ilalissallugu.

Tassaapput oqallinnermut Demokraatini ilanngukkusutagut.